

## 15.

**W**ir bruder Hanns von Tyffenn homeyster des ordenns der brudere des hospitales sancte Marienn des deutzenn hauszes von Jerusazalem thun kunth vnde be-  
 kennen vor ydermenniglich mith dyessem vnnsrem vffenn bryeffe dy enn szehenn  
 ader horenn lesennd das vor vnns yrschene ist vnnsrer lyeber getrower Llorenz  
 Potarre sich yrclagende wye em ein (!) dyessenn vnnsers ordenns vorganne swerenn  
 tagenn seyne handtfeste vorlornn vnnde von handenn komen sey vnns demuttiglich  
 betende em eyne newe zuu gebenn. Zodannen wyr vnns yrfarenn seyn der warheyth  
 habenn wyr angeszehenn seyne mogliche bethe vnnde habenn yn mith rathe wyssenn  
 wyllenn vnnde volborth vnnszer methgebytiger eyne ander handfeste in sulichem  
 nachgeschrebenenn lowthe gegeben. Wyr gebenn vorschreybenn vnnde vorleyen  
 vnserm lieben getrowen Llorenz Potarre, em, seynenn rechtenn erbenn vnnde  
 nochkomlingenn fuufte halbenn hokenn vffem felde zum Szoldaw im gelyeth  
 Brandenburgk vnnde Creuczburgschenn kamerampth gelegenn an aller weszenn wey-  
 denn, welldenn puthenn, bruchernn vnde streuchernn bynnen gewyssenn grenitzenn  
 also dye enn vonn vnnszrenn brudern beweiset seynnth frey vonn zcynse, zcendenn  
 vnnde allerley gebewrlicher arbeyth erblich vnnde ewiglich zum meydburgischem  
 [rechte] zuu besitzenn. Hyrvonn sullnn sye vnns thun eynen redlichenn tuchtigenn  
 dinst mith hengst vnnde harnasch noch dyesses landes gewonheyth zcu allenn vnd  
 iglichenn geschreybenn, herfertenn, lanndtwerenn vnnde reysenn neww heuszer zuu  
 bowenn alde zuu bessernn ader zuu brechenn wenne, wie dicke vnnde wohynn szie  
 vonn vnns ader vnnszors (!) brudernn werdenn geheyschenn vnnde erforderh. Ouch  
 szie getrewlich helffenn werenn wo das von nothenn seynn wyrth. Nemlich zo  
 wellen wir ap sulche bemelte funfftehalb hokenn wurdenn gemessenn vnnde weniger  
 befundenn das zall vnnszer ordenn zuu yrfolenn nicht vorpflicht sein. Zcum ewi-  
 genn dyesser dinge gedechtnisze habenn wyr vnnszer inszigell an dyessenn brief  
 lassenn hengenn der gegeben ist vff vnserm howsze konigsbergk am tage Lam-  
 perti<sup>6)</sup> im vyrzhenn hundertstenn vnd newnczigstenn jare geczeuge dyesser dinge  
 sein dye erszamenn vnnde geystlichenn vnnsers ordenns lyebenn in goth andecht-  
 genn brudere Rupricht Gartner von Luceldorff howszkompthuur zuu Brandenburgk  
 Michell Turnell Kellermeister doszelbigst, Eigk vonn Reyschach, pfleger zuu Bartenn,<sup>7)</sup>  
 Martinus Preusz vnnsr schreyber vnnde vyell andr trowirdige meher.

An zwei Pergamentstreifen ein Siegelfragment. Aufschrift: Peter Hensel aus  
 Sollaw (neu).

<sup>6)</sup> 17. September.

<sup>7)</sup> Seit dem 10. August 1489. Namen-Codex S. 83.